



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბუნებითი სამართალი

ბუნებითი სამართალი, სამართლებრივი მოძღვრება, რ-ის მიხედვითაც სამართალი განაპირობებს თვით ადამიანის ბუნებას, მის გონებას და ამიტომ ის დამოუკიდებელია კონკრეტული სოც. პირობებისა და სახელმწიფოსაგან.

ბ. ს. უძველეს ხანაში ჩაისახა. მისმა იდეებმა გარკვეული როლი ითამაშა XVII–XVIII სს-ში, როდესაც ბ. ს. ძირითადი იარაღი იყო იდეოლოგიური ბრძოლისა ფეოდ. წესწყობილების წინააღმდეგ.

ფეოდ. საქართველოშიც ბ. ს. ანუ „ბუნებითი სჯული“, ადამიანის ბუნებისაგან გამომდინარე, მარადიული ნორმის სახით გარკვეულად უპირისპირდებოდა „დანერვილ სჯულს“, რ-იც ადამიანის ნებსითი მოქმედებისა და გარემოების ნაყოფად ითვლებოდა. შეიძლებოდა „ბუნებითი სჯულის“, როგორც ღვთაებრივი სამართლიანობის გამოხატულების, გამოყენება „დანერვილი სჯულის“ სისტემაში არსებული ხარვეზების შესავსებად. „ბუნებითი“ და „დანერვილი“ სჯული ნახსენებია რუის-ურბნისის კრების ძეგლისწერაში.

ბ. ს-ის იდეებს ვხვდებით მოგვიანებითაც, დავით ბატონიშვილისა და იაკობ ჭილაშვილის ნაწერებში. დავითის სიტყვით, მის სამართ. წიგნს (1798 – 1800) აქვს „უმეტეს მიდრეკილება ბუნებითისა მიმართ სჯულისა“. ბ. ს-ის თეორიის დემოკრ. მიმართულების წარმომადგენლის ი. ჭილაშვილის ნაშრომის „ბუნებითი სამართლის მონახაზების“ (სპბ., 1812) მიხედვით, ბუნების კანონები ქმნიან წესრიგს, რ-შიც უნდა აღსრულდეს ყველა ადამიანური მოქმედება და განცდა, და ამ კანონების ერთობლიობას ბ. ს. ჰქვია.

